

Broj: 101-2155/10

Datum: 13.08.2020.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH" broj 2/98), a na prijedlog Komisije za javne nabavke Radiotelevizije Bosne i Hercegovine, donosim

O D L U K U

kojom je postupak javne nabavke građevinsko-zanatskih i instalaterskih radova na sanaciji mokrog čvora u prizemlju zgrade ugovornog organa Radiotelevizije Bosne i Hercegovine u Sarajevu **PONIŠTAVA**.

O b r a z l o ž e n j e

Na temelju Odluke generalnog direktora ugovornog organa Radiotelevizije Bosne i Hercegovine broj 101-754/19 od 17.06.2019. godine Komisija za javne nabavke je, nakon neuspješnog prvog postupka nabavke, po drugi put pokrenula proceduru po konkurenstkom zahtjevu za dostavljanje ponuda koji za predmet nabavke ima *izvođenje građevinsko-zanatskih i instalaterskih radova na sanaciji mokrog čvora u prizemlju zgrade ugovornog organa Radiotelevizije Bosne i Hercegovine u Sarajevu*.

Na predmetni postupak javne nabavke, objavljen na portalu javnih nabavki www.ejn.gov.ba dana 01.07.2020. godine pod brojem 113-7-3-56-3-60/20, a u skladu sa članom 88. Zakona o javnim nabavkama Bosne i Hercegovine ponudu je dostavio samo ponuđač KRISTAL d.o.o. iz Živinica sa cijenom od KM 22.547,78 bez PDV-a, odnosno KM 26.380,90 sa uračunatim PDV-om.

Provjerom valjanosti primljenih ponuda Komisija je ustanovila da je primljena ponuda validna, u skladu sa tenderskom dokumentacijom i Zakonom o javnim nabavkama Bosne i Hercegovine, pa je uzeta u razmatranje za valorizaciju ponuda i izbor najpovoljnijeg ponuđača. Komisija je, također, utvrdila da je ponuda ovog ponuđača u svim stavkama i u krajnjem iznosu identična ponudi koju je dostavio u prethodnom tenderu, da je veća i od povećanog budžeta ugovornog organa, te da su neke stavke izuzetno precijenjene.

Imajući u vidu činjenicu da je primljena ponuda premašila i povećani budžet ugovornog organa odobren za ovu namjenu, ugovorni organ Radiotelevizija Bosne i Hercegovine je, pozivajući se na član 69. stav (2) tačka e) Zakona o javnim nabavkama Bosne i Hercegovine, odlučio kao u dispozitivu ove Odluke.

Pouka o pravnom lijeku

Protiv ove Odluke dopuštena je Žalba ugovornom organu kao prvostepenoj instanci u postupku u roku od 5 dana od dana prijema iste u pisanoj formi, a u skladu sa članom 101. stav (5) Zakona o javnim nabavkama Bosne i Hercegovine.



**Generalni direktor BHRT-a
Belmin Karamehmedović**

Dostaviti:

- KRISTAL d.o.o. Živinice
- Arhiva